



BOSNA I HERCEGOVINA
VIJEĆE MINISTARA
Generalno tajništvo

Broj: 05-02-1-2762/10
Sarajevo, 3.11.2010. godine

01,02-02-7

17

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:	03-11-2010	Redni broj	Broj
Organizaciona jedinica	Klasifikacija	Uzročnik	Prilog
01,02-02-7-61/P			

B

PARLAMENTARNA SKUPŠTINA
BOSNE I HERCEGOVINE

- Zastupnički dom -
- Dom naroda -

SARAJEVO


PREDMET: Prijedlog zakona o usvajanju Zakona o izmjenama i dopunama
Zakona o osobnoj iskaznici državljana Bosne i Hercegovine

Vijeće ministara Bosne i Hercegovine, na 135. sjednici održanoj 19.10.2010. godine, utvrdilo je Prijedlog zakona o usvajanju Zakona o izmjenama i dopunama Zakona o osobnoj iskaznici državljana Bosne i Hercegovine, te zaključilo da se isti uputi Parlamentarnoj skupštini Bosne i Hercegovine na razmatranje po žurnom postupku.

U opredjeljenju da razmatranje i usvajanje navedenog zakona predloži po žurnom postupku, Vijeće ministara je imalo u vidu činjenicu da se radi o Zakonu koji je, na privremenoj osnovi, proglasio Visoki predstavnik za Bosnu i Hercegovinu ("Službeni glasnik BiH", broj 53/07) i Parlamentarna skupština Bosne i Hercegovine ima obvezu da ga usvoji u istovjetnom tekstu. Imajući u vidu da je pripremljen Nacrt zakon o izmjenama i dopunama Zakona o osobnoj iskaznici državljana Bosne i Hercegovine, kojim se zadovoljavaju stvarne potrebe proizašle iz praktične primjene propisa vezanih za elektronski potpis i zaštitu osobnih podataka i koji je potrebno u proceduru usvajanja uputiti u što kraćem roku, a što nije bilo moguće bez prethodnog usvajanja predmetnog Prijedloga zakona bez izmjena i dopuna i bez dodatnih uvjeta.

Iz naznačenih razloga Vijeće ministara predlaže Parlamentarnoj skupštini Bosne i Hercegovine da Prijedlog zakona razmatra i usvoji po žurnom postupku.

U svezi sa navedenim, u pravitku dostavljamo Prijedlog zakon o usvajanju Zakona o izmjenama i dopunama Zakona osobnoj iskaznici državljana Bosne i Hercegovine, na bosanskom, hrvatskom i srpskom jeziku. Istodobno dostavljamo i elektronsku verziju Prijedloga zakona.



GENERALNI TAJNIK
Zvonimir Kutleša

PRIJEDLOG

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na _____ sjednici Predstavničkog doma održanoj _____ 2010. godine i _____ sjednici Doma naroda održanoj _____ 2010. godine, usvojila je

ZAKON

o usvajanju Zakona o izmjenama i dopunama Zakona o ličnoj karti državljana Bosne i Hercegovine

Član 1.

- (1) Ovim Zakonom usvaja se Zakon o izmjenama i dopunama Zakona o ličnoj karti državljana Bosne i Hercegovine koji je, na privremenoj osnovi, donio visoki predstavnik za Bosnu i Hercegovinu, objavljen u „Službenom glasniku BiH“, broj 53/07, a stupio je na snagu 09. jula 2007. godine.
- (2) Zakon i svi prateći propisi, doneseni u skladu sa ovim Zakonom, primjenjuju se od dana stupanja na snagu Zakona o izmjenama i dopunama Zakona o ličnoj karti državljana Bosne i Hercegovine („Službeni glasnik BiH“, broj 53/07).

Član 2.

Ovaj Zakon objavit će se u „Službenom glasniku BiH“.

PS BiH broj _____/10
_____ 2010. godine
Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O b r a z l o ž e n j e

I - Ustavni osnov

Ustavni osnov za donošenje Zakona o izmjenama i dopunama Zakona o ličnoj karti državljana Bosne i Hercegovine sadržan je u odredbama člana IV./4 a), Ustava Bosne i Hercegovine, prema kojim je utvrđeno da donošenje zakona koji su potrebni za provođenje odluka Predsjedništva BiH ili za vršenje funkcija Skupštine po Ustavu donosi Parlamentarna skupština Bosne i Hercegovine.

II - Razlozi za donošenje Zakona

Razlozi za donošenje ovog Zakona nalaze se u potrebi ispunjavanja obaveze da se Zakon koji svojom odlukom proglasi visoki predstavnik od strane Parlamentarne skupštine BiH usvoji u istovjetnom tekstu.

Naime, visoki predstavnik za BiH, Miroslav Lajčak, je svojom Odlukom od 09. jula 2007. godine, proglasio Zakon o izmjenama i dopunama Zakona o ličnoj karti državljana Bosne i Hercegovine, kojim je regulirana zabrana korišćenja lične karte za prelazak državne granice državljaninu BiH kome je zabranjeno izdavanje putnih isprava ili su mu putne isprave oduzete.

III – Obrazloženje pravnih rješenja

U članu 1. stav (1) ovog Zakona, utvrđeno je da se ovim Zakonom usvaja Zakon o izmjenama i dopunama Zakona o ličnoj karti državljana BiH koji je donio visoki predstavnik za BiH, a koji je objavljen u „Službenom glasniku BiH“, broj: 53/07, a stupio je na snagu 09. jula 2007. godine.

U članu 1. stav (2) utvrđeno je da se Zakon i svi prateći propisi doneseni u skladu sa ovim Zakonom, primjenjuju od dana stupanja na snagu Zakona o izmjenama i dopunama Zakona o ličnoj karti državljana BiH („Službeni glasnik BiH“, broj: 53/07).

U članu 2. utvrđeno je da se ovaj Zakon objavljuje u „Službenom glasniku BiH“.

IV – Finansijska sredstva

Za provođenje ovog Zakona u Budžetu institucija BiH i međunarodnih obaveza BiH, nije potrebno osigurati dodatna finansijska sredstva.

Koristeći se ovlaštenjima koja su visokom predstavniku dana članom V Aneksa 10 (Sporazum o civilnom provođenju Mirovnog ugovora) Općeg okvirnog sporazuma za mir u Bosni i Hercegovini, prema kojem je visoki predstavnik konačni autoritet za tumačenje navedenog Sporazuma o civilnoj provedbi Mirovnog ugovora, i članom II 1. (d) prethodno navedenog Sporazuma, koji od visokog predstavnika zahtijeva da olakša rješavanje bilo kojih poteškoća koje se pojave u vezi sa civilnom provedbom Općeg okvirnog sporazuma za mir u Bosni i Hercegovini;

Pozivajući se na stav XI. 2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru visokog predstavnika da iskoristi svoj konačni autoritet za tumačenje Sporazuma o civilnoj provedbi Mirovnog ugovora, kako bi olakšao rješavanje bilo kojih poteškoća kao što je gore rečeno „donošenjem obavezujućih odluka kako god on ocijeni da je neophodno” o određenim pitanjima, uključujući i (prema tački (c) stava XI. 2) „mjere kojima se osigurava implementacija Mirovnog sporazuma na cijeloj teritoriji Bosne i Hercegovine i njenih entiteta”;

S obzirom na činjenicu da proces implementacije mira koji se nastavlja pod okriljem Općeg okvirnog sporazuma za mir u Bosni i Hercegovini još uvijek nije okončan;

Vodeći računa dalje o činjenici da je potrebno da se mirovni proces okonča kako bi se uspostavilo stabilno političko i sigurnosno okruženje u Bosni i Hercegovini;

Pozivajući se dalje na tačku 12.1. Deklaracije Vijeća za implementaciju mira, koje se sastalo u Madridu, 15. i 16. decembra 1998. godine, u kojoj se jasno kaže da Vijeće smatra da uspostavljanje vladavine prava, u koju svi građani imaju povjerenje, predstavlja preduvjet za dugotrajni mir i samoodrživu ekonomiju koja je u stanju da privuče i zadrži strane i domaće ulagače;

Konstatirajući da je Upravni odbor Vijeća za implementaciju mira, u komunikeu donesenom u Briselu 20. marta 2001. godine naglasio da “operativne i efikasne državne institucije, sudska reforma, poštivanje vladavine prava i propisno vršenje vlasti, i dalje ostaju od suštinske važnosti za implementaciju Mirovnog sporazuma”;

Upoznat sa osnaženom strategijom za reformu pravosuđa kako bi se ojačala vladavina prava u Bosni i Hercegovini iz 2002/2003. godine koju je odobrio Upravni odbor Vijeća za implementaciju mira 28. februara 2002. godine;

Imajući u vidu da su u komunikeu donesenom nakon sastanka Upravnog odbora Vijeća za implementaciju mira održanog 15. marta 2006. godine u Beču, politički direktori izrazili svoju stalnu podršku Državnom sudu koji će omogućiti vlastima u BiH da se optuženi za ratne zločine i optuženi za organizirani kriminal efikasno procesuiraju u Bosni i Hercegovini;

Podsjećajući da je Upravni odbor Vijeća za implementaciju mira, na sastanku održanom 19. juna 2007. godine u Sarajevu, pozvao organe vlasti u Bosni i Hercegovini, a posebno u Republici Srpskoj, da ispoštuju svoje obaveze koje imaju po međunarodnom pravu tako što će u potpunosti sarađivati sa Međunarodnim krivičnim sudom za bivšu Jugoslaviju (MKSJ) i imati aktivnu ulogu u hapšenju svih preostalih optuženika bez daljnjeg odlaganja, uključujući Radovana Karadžića i Ratka Mladića, razbijati njihove mreže podrške i osigurati transfer optuženika u MKSJ;

Prepoznajući da s ciljem sprječavanja aktivnosti koje opstruiraju ili prijete da opstruiraju proces implementacije mira koji se odvija pod okriljem Općeg okvirnog sporazuma za mir u Bosni i Hercegovini, postoji potreba da se u pojedinim slučajevima pojedincima izrekne zabrana korišćenja lične karte za prelazak državne granice;

Svjestan hitnosti da se relevantne odredbe izmijene i dopune;

Uzevši u obzir i razmotrivši sve navedeno,
visoki predstavnik donosi sljedeću

Odluku
kojom se donosi Zakon o izmjenama i dopunama Zakona o ličnim kartama državljana
Bosne i Hercegovine

("Službeni glasnik BiH", br. 32/01, 16/02 i 32/07)

Zakon koji slijedi i koji čini sastavni dio ove Odluke stupa na snagu kako je predviđeno članom 5. ovog Zakona, na privremenoj osnovi, sve dok ga Parlamentarna skupština Bosne i Hercegovine ne usvoji u istom obliku, bez izmjena i dopuna i bez dodatnih uvjeta. Ova Odluka se objavljuje na službenoj Internet stranici Ureda visokog predstavnika i stupa na snagu odmah.

Ova Odluka se odmah objavljuje u Službenom glasniku BiH.

Sarajevo, 9. jula 2007.

Miroslav Lajčák
Visoki predstavnik

ZAKON
O IZMJENAMA I DOPUNAMA ZAKONA O LIČNOJ KARTI DRŽAVLJANA
BOSNE I HERCEGOVINE

Član 1.

(Dopuna u članu 2.)

U Zakonu o ličnoj karti državljana Bosne i Hercegovine ("Službeni glasnik BiH", br. 32/01, 16/02 i 32/07; u daljnjem tekstu: Zakon), u članu 2., iza stava (2) dodaje se novi stav (3), koji glasi:

"Potvrda ili privremena lična karta izdata prilikom oduzimanja lične karte na osnovu ovog Zakona ili Zakona o krivičnom postupku, u svim slučajevima i u sve svrhe zamjenjuje ličnu kartu i bit će prihvaćena od svih kao lična karta, osim za prelazak državne granice. Potvrda i privremena lična karta izdaju se bez naknade."

Član 2.

(Izmjene u članu 18.)

(1) U članu 18. Zakona, stav (1) mijenja se i glasi:

"Ako je, iz razloga utvrđenih u Zakonu o putnim ispravama BiH, izdavanje putnih isprava državljaninu zabranjeno ili su putne isprave oduzete, osobi se zabranjuje i korišćenje lične karte za prelazak državne granice."

(2) U stavu (2) člana 18. Zakona, u prvoj rečenici riječi "ili organ koji je zahtijevao donošenje zabrane" mijenjaju se riječima "ili drugi nadležni organ". Druga rečenica stava (2) člana 18. Zakona, mijenja se i glasi: "Zabrana korišćenja lične karte za prelazak državne granice provodi se napomenom u ličnoj karti ili putem oduzimanja lične karte i izdavanja privremene potvrde ili privremene lične karte sa unesenom napomenom da se lična karta ne može koristiti za prelazak državne granice."

Član 3.

(Novi član 19.a)

Iza člana 19. Zakona, dodaje se novi član 19.a, koji glasi:

"Član 19.a

(1) S ciljem sprječavanja aktivnosti koje opstruiraju ili prijete da opstruiraju proces provedbe mira koji se odvija pod okriljem Općeg okvirnog sporazuma za mir u Bosni i Hercegovini, osobi se može izreći zabrana korišćenja lične karte za prelazak državne granice.

(2) Zabranu korišćenja lične karte za prelazak državne granice izvršavaju nadležni organi po prijemu obavještenja. Zabrana se takođe sprovodi napomenom u ličnoj karti ili putem oduzimanja lične karte i izdavanja privremene potvrde ili privremene lične karte sa unesenom napomenom da se lična karta ne može koristiti za prelazak državne granice.

(3) Osoba za koju postoji zabrana korišćenja lične karte za prelazak državne granice ne smije prelaziti državnu granicu kako bi napustila Bosnu i Hercegovinu."

Član 4.

(Ograničavajuća odredba u pogledu vremena)

Iza člana 41. Zakona, dodaje se novi član 41.a, koji glasi:

"Član 41.a

Član 19.a Zakona važi do 30. juna 2008. godine."

Član 5.

(Stupanje na snagu i objavljivanje ovog Zakona)

Z A K O N O LIČNOJ KARTI DRŽAVLJANA BOSNE I HERCEGOVINE

(„Službeni glasnik BiH“, br. 32/01, 16/02 i 32/07)

***Članovi koji su izmijenjeni (čl. 2 . i 18.), i dopunjeni (čl. 19. i 41.)**

Član 2.

Lična karta je javna isprava kojom se dokazuje identitet, činjenica mjesta i datuma rođenja, prebivališta odnosno boravišta za raseljeno lice i državljanstva BiH. Državljanin BiH mogu koristiti ličnu kartu za prelazak državne granice u određenim okolnostima i pod uslovima utvrđenim bilateralnim sporazumima između BiH i druge države.

Član 18.

Ako, iz razloga utvrđenih u Zakonu o putnim ispravama BiH, nadležni sud ili organ koji je nadležan da uređuje pitanje putnih isprava prema tom zakonu zabranjuje izdavanje putnih isprava državljaninu, sud odnosno organ upućuje odgovarajući nadležni organ da zabrani licu korištenje lične karte za prelazak državne granice.

Nadležni organ donosi rješenje o zabrani te u skladu s tim i o tom rješenju obavještava sud ili organ koji je zahtijevao donošenje zabrane. Ova zabrana se unosi u ličnu kartu na način koji propisuje MCPK.

Član 19.

Nadležni sud ili organ iz stava 1. prethodnog člana, bez odlaganja obavještavaju nadležni organ o prestanku postojanja razloga za zabranu korištenja lične karte za prelazak državne granice.

Po ispunjenju uslova utvrđenih u prethodnom stavu nadležni organ poništava zabranu korištenja lične karte za prelazak državne granice.

Član 41.

Danom izdavanja rješenja MCPK-a iz člana 38. stava 1., prestaju da važe zakoni i propisi, kojima su se do tada regulisala pitanja vezana za ličnu kartu državljanina i koji su se primjenjivali u BiH.